

Syarikat dilantik ejen buat kutipan gagal deposit wang dari Mac hingga September 2023

Seleweng zakat MAIPk lebih RM9.6 juta

Oleh AZMI NORDIN
dan AMIESHA ABADI

KUALA LUMPUR – Sebuah syarikat yang dilantik sebagai ejen kutipan zakat Majlis Agama Islam Dan Adat Melayu Perak (MAIPk) diasiasat selepas disyaki menyeleweng kutipan zakat sebanyak RM9.62 juta.

Siasatan dijalankan selepas syarikat terbabit dipercayai gagal menandatangani zakat bermula Mac hingga September 2023.

Pengarah Jabatan Siasatan Jenayah Komersial (JSJK) Bukit Aman, Datuk Seri Ramli Mohamed Yoosuf berkata, kes tersebut antara empat kes jenayah pecah amanah berkait kutipan zakat sepanjang tahun lepas.

Katanya, dua kes direkodkan di Selangor diikuti Terengganu (1) dan Perak (1).

“Kes di Perak mencatatkan nilai kerugian tertinggi iaitu RM9,629,682 selepas ejen disyaki telah gagal menandatangani wang kutipan zakat dan kes diasiasat di bawah Seksyen 409



RAMLI (kanan) menunjukkan statistik rangkuman jenayah komersial bagi tempoh 2023 selepas sidang akhbar di Menara KPJ, Kuala Lumpur semalam.

Kanun Keseksaan.

“Siasatan masih dijalankan dan terdapat individu yang akan dipanggil dalam masa terdekat,” katanya pada sidang akhbar di Menara KPJ, di sini semalam.

Justeru Ramli menegaskan, JSJK memberikan amaran keras kepada pelaku-pelaku jenayah bahawa tindakan tegas selaras dengan peruntukan undang-undang akan diambil bagi memastikan jenayah sebegini tidak berulang.

Jelas beliau, kes tersebut amat mendukacitakan apabila wang zakat juga turut diseleweng oleh individu-individu yang diamanahkan untuk mengutip wang tersebut.

“Perkara ini tidak sewajarnya berlaku kerana zakat merupakan satu daripada lima rukun Islam yang menjadi pegangan setiap Muslim.

“Sewajarnya, wang kutipan zakat diuruskan dengan baik dan penuh amanah agar ia dapat dimanfaatkan sesuai dengan kehendak agama,” katanya.